

傷寒論讀

氣也五氣病人大畧相似本論辨證正爲辨此等相
以證耳故首以頭痛胃實等項分六經卽以渴字認
燥熱小便不利認溼氣汗字判風寒縱橫辨察任其
一氣尚至數氣併至總無遁情矣自叔和顛亂後知
此者甚少近來講傷寒者稱方有則喻嘉言程郊倩
程扶生柯韻伯五家然各有得失方有則首察叔和
之謬削去敘例其識卓然惜於五氣並論尚未明晰
柯韻伯止論六經爲病未辨何邪來病六經喻嘉言
將瘧溼暍溫一併摘出如何比類辨別似皆失立論

本意惟程郊倩始尋出難經傷寒有五一條并悟傷寒論之傷寒是五證之通稱寒傷營之傷寒是五證中之一證惜其撇不去傷寒二字魔講作側勢曰是傷寒非傷寒以瘧溼喝三證爲非傷寒且言人不必從此處認真則大失傷寒有五之旨矣程扶生以瘧溼喝俱屬外感自應合辨立論大旨已得惜其未達數氣併至之病且雜以金匱之語遂令文氣寸斷不便誦讀彭竊取兩程子意重編次之

一是論崑爲臨診時識病故有相似而相混處卽辨之

不嫌其病因之雜也如太陽論中發熱汗出桂枝證也卻與陽明潮熱汗出相似故有藏無他病之辨又與胸有寒證相似故有病如桂枝證之辨如惡寒發熱麻黃證也卻與蓄積有膿相似故有諸脈浮數之辨又與陰陽不足相似故有灑淅惡寒之辨夫胸中有寒蓄積有膿與傷寒中風合辨似乎雜出不倫然現證相同而另置一處則臨診時不能比類分晰方藥必至悞投故病證務須類敘而病因不妨雜見也爰趁文勢逐條帶辨

一病從獨異處認出然不敘其同無以見異故論中多類敘法顧類敘亦不一論方當類其方辨證當類其證編傷寒者槩以方類是端論方也恐非察脈辨證本意彭不敢從

一是論大段先分後合合中有分有對面辨有隔章辨有提有應有應復作提蟬聯而下有階遞有並遞有先虛論後補實有計日辨證體若編年諸法彭審脈審證審方審藥隨文勢爲編次不敢勉強湊合

一是編彭早年所鈔讀覺其紊亂輒更易之于今凡數

十易豪五證大段差清而節目尚多未安處今老矣
料無進境刊存卒病舊名與同志商之

乾
乙酉花朝嘉善沈又彭堯封

己丑歲復移正數條彭時年七十有一

傷寒卒病論

目次

原敘

辨太陽證

辨傳解

辨悞治

辨陽明證

辨少陽證

辨太陰證

傷寒論
辨少陰證

辨厥陰證

脈法

方

傷寒卒病論

漢南陽張機仲景著

後學嘉善沈又彭堯封鈔讀姪秦礪山

男寬夫

辨太陽病脉證

病有發熱惡寒者發於陽也。無熱惡寒者發於陰也。發於陽者七日愈。發於陰者六日愈。以陽數七陰數六故也。

天以陰陽五行化生萬物。陰陽五氣和則能生物。陰

陽五氣乃即能殺物。是論皆統論陰陽五氣之病。人然五行論陰陽也。故未論五氣先論陰陽首節辨陰病陽病之大綱。

病人身大熱反欲得近衣者。熱在皮膚寒在骨髓也。身大寒反不欲近衣者。寒在皮膚熱在骨髓也。

此辨內陰外陽內陽外陰之變態。以上二節辨病之陰陽。

問曰脉有陰陽何謂也。答曰凡脉大浮數動滑此名陽也。沉濇弱弦微此名陰也。凡陰病見陽脉者生。陽病見

陰脉者死。

寸口脉浮為在表。沉為在裏。數為在府。遲為在藏。假令脉遲。此為在藏也。

此二節辨脉之陰陽。

太陽之為病。脉浮。頭項強痛。而惡寒。

此是太陽病提綱。一切邪氣犯太陽地面。皆有脉浮。

頭項強痛惡寒證。故曰提綱。後稱太陽病三字。皆有脉浮。頭項強痛惡寒在內。倘太陽病有脉不浮條在內。必明書脉反沉。或脉沉細。倘太陽病有三字在其

條內必明書不惡寒

太陽病發熱汗出惡風脉緩者名曰中風

此辨太陽中風之病脉證稱太陽病則頭項強痛惡寒在所必有更見發熱汗出惡風是中風病也稱太陽病則其脉必浮更見浮而緩者是中風脉也本論原敘云撰用素難當即以素難釋之難經傷寒有五有中風有傷寒有溼溫有熱病有溫病此即素問寒暑燥溼風之五氣為病也本論悉遵難經於太陽論中五證並列挨次剖析并辨其所錯訛而補其所未

備素問在天爲風在地爲木風者木之氣也故風乃五氣之一而中風即傷寒有五之一編傷寒者以瘕溼暍爲非傷寒也置之別論此固中風也亦非傷寒何幸獨存論首

太陽中風陽浮而陰弱陽浮者熱自發陰弱者汗自出
晉晉惡寒淅淅惡風翁翁發熱鼻鳴乾嘔者桂枝湯主之

難經脈關前爲陽關後爲陰又云中風之脈陽浮而滑陰濡而弱此釋上中風脈病出方治之

太陽病發熱汗出者此為營弱衛強故使汗出欲救邪風者宜桂枝湯主之

此明發熱汗出由於營弱衛強蓋衛為陽營為陰風傷衛則邪在衛素問云邪氣盛則實故衛強營無邪氣本自無病與衛相較自覺弱耳營弱衛強能令汗出者素問所謂陽加於陰謂之汗也

病人藏無他病時發熱自汗出而不愈者此為衛氣不和也先其時發汗則愈宜桂枝湯主之

藏字與有熱屬藏者攻之不令發汗同義皆指胃言

藏無他病者言以手按胃不實鞭也時發熱者言今日某時熱明日亦到此時發熱也此承上文言發熱汗出固由於衛強但與陽明潮熱自汗相似故必藏無他病止見時熱汗出方爲衛氣不和先其未發熱之時用桂枝湯發汗則愈時字指有定言從先時句看出

病常自汗出者此爲營氣和營氣和者外不諧以衛氣不共營氣和諧故耳以營行脈中衛行脈外復發其汗營衛和則愈宜桂枝湯

此承上文言營弱非營病若營病則不能出汗今自汗出知營氣自和惟邪在衛則衛獨強不與營氣和諧耳非發汗則邪何從去衛何由和但營行脈中衛行脈外非桂枝湯發汗必至誅伐無辜故曰宜桂枝湯論中一言發汗則愈一言復發其汗皆用桂枝湯不知前輩何以稱桂枝止汗若桂枝止汗豈芍藥反能發汗耶蓋桂枝辛甘發散去在衛之風邪恐動其無病之營故用芍藥保營此桂枝湯之大畧也易水師弟用黃芪白水防風等藥治有汗傷寒是悞

瓜蒂散
瓜蒂一分 赤豆一分 香豉一分

認風傷衛爲衛虛故用實衛藥不知風傷衛者猶言風入衛耳經云邪氣盛則實況本條內現有衛強二字而竟犯實實之戒亦千慮之一失耳

太陽病頭痛發熱汗出惡風者桂枝湯主之

此於提綱中獨舉頭痛而不言項強者以明中風有項不強之證

病如桂枝證頭不痛項不強寸脈微浮胸中痞塞氣上衝咽喉不得息者此胸有寒也當吐之宜瓜蒂散

此辨桂枝證之似中風有頭痛而項不強者仍是桂